

Na osnovu člana 29. stav (2) Zakona o naučnoistraživačkoj djelatnosti («Službene novine Kantona Sarajevo» br. 26/16), Prijedloga Vijeća Instituta broj: 286-2a/18 od 28.05.2018. godine i Odluke Senata Univerziteta u Sarajevu broj: 01-776/18 od 27.06.2018. godine , direktor Instituta objavljuje:

K O N K U R S
za izbor u naučna zvanja

Raspisuje se konkurs za izbor u naučna zvanja:

1. **naučni savjetnik** za oblast „Genetika“1 izvršilac
2. **viši naučni saradnik** za oblast „Genetika“2 izvršioca
3. **viši naučni saradnik** za oblast „Molekularna biologija“1 izvršilac
4. **naučni saradnik** za oblast “Genetika”1 izvršilac
5. **naučni saradnik** za oblast “Molekularna biologija”1 izvršilac

Uslovi:

Pored opštih zakonskih uslova, kandidati treba da ispunjavaju uslove iz člana 31. Zakona o naučnoistraživačkoj djelatnosti («Službene novine Kantona Sarajevo» br. 26/16).

Za sva zvanja uslov je doktorat bioloških nauka.

Kandidati su uz prijavu dužni dostaviti:

1. Biografiju (CV) sa bibliografijom u pisanoj i elektronskoj formi;
2. Spisak objavljenih naučnih radova i primjerke radove u pisanoj i elektronskoj formi ;
3. Ispis iz relevantnih baza podataka naučnih publikacija;
4. Spisak objavljenih naučnih knjiga sa ispisom iz COBISS baze podataka Nacionalne i univerzitetske biblioteke BiH ili druge bibliografske baze za svaku knjigu i primjerak knjige u pisanoj i elektronskoj formi;
5. Spisak objavljenih naučnih saopštenja i primjerke saopštenja u pisanoj i elektronskoj formi;
6. Spisak projekata, patenata ili originalnih metoda iz oblasti za koju se vrši izbor, uz relevantne dokaze;
7. Diplomu o naučnom stepenu doktora bioloških nauka;
8. Za naučnog saradnika, diplomu o završenom I, II i III ciklusu studija sa prosjekom ocjena za svaki ciklus studiranja, a ukoliko je kandidat završio predbolonjski sistem studiranja, diplomu o završenom dodiplomskom, postdiplomskom i doktoratu ili doktorskom studiju;
9. Kandidati za izbor u zvanje naučni savjetnik i viši naučni saradnik prilažu dokaz o izvršenom izboru u prethodno zvanje, potvrdu o provedenom najmanje jednom izbornom periodu u prethodnom zvanju i potvrdu o učešću u realizaciji naučnoistraživačkog projekta (kao učesnik ili voditelj projekta);
10. Podatke i dokaze o nagradama i priznanjima u vezi sa odgovarajućom naučnom oblasti;
11. Podatke i dokaze o učešću u organizaciji stručnih i naučnih skupova;
12. Podatke i dokaze o učešću u redakcijskim i uredničkim odborima naučni i stručnih časopisa;
13. Izvod iz matične knjige rođenih;
14. Uvjerenje o državljanstvu;

15. Potvrda o prebivalištu (CIPS) i
16. Spisak dostavljene dokumentacije.

Za izbor u zvanje naučni saradnik dokumentacija pod rednim brojevima od 2-7 je bez vremenskog ograničenja, a za izbor u zvanja naučni savjetnik i viši naučni saradnik za period nakon izbora u prethodno naučno zvanje.

Dokumentacija pod rednim brojem od 10-12 se dostavlja samo ukoliko je kandidat posjeduje i nije obavezna.

Dokumenti se dostavljaju originalu ili ovjerenoj kopiji.

Ovjerene fotokopije ne smiju biti starije od tri mjeseca.

Sa izabranim kandidatima za zvanje višeg naučnog saradnika i naučnog saradnika zaključit će se Ugovor o radu na period na koji je izabran u skladu sa članom 32. Zakona o naučnoistraživačkoj djelatnosti, osim naučnog savjetnika koji zaključuje Ugovor o radu na neodređeno vrijeme.

Konkurs je otvoren petnaest (15) dana od dana objavljivanja.

Nepotpune i neblagovremene prijave neće se uzimati u razmatranje.

Kandidati su dužni u svojoj prijavi naznačiti naučno zvanje za koje se prijavljuju, u suprotnom takva prijava će se smatrati nepotpunom.

Prijave sa dokazima o ispunjavanju uslova predviđenih konkursom podnose se lično ili putem preporučene pošte na adresu:

Univerzitet u Sarajevu-Instituta za genetičko inženjerstvo i biotehnologiju u Sarajevu,
Sekretarijat

Sa naznakom "Prijava na konkurs za izbor u naučno zvanje"

ul. Zmaja od Bosne 8 – Kampus,

71000 Sarajevo

Dostavljena dokumentacija se ne vraća.

Dodatne informacije o konkursu mogu se dobiti na tel: +387 33 22 09 26.